

O'zbekiston Respublikasi Prezidentining 2018 yil 28 fevraldagi «Paxta xomashyosi va boshoqli don etishtirishni moliyalashtirish tizimini tubdan takomillashtirish chora-tadbirlari to'g'risida»gi PQ-3574-sonli qarori haqida

O'zbekiston Respublikasi Prezidentining 2018 yil 28 fevraldagi «Paxta xomashyosi va boshoqli don etishtirishni moliyalashtirish tizimini tubdan takomillashtirish chora-tadbirlari to'g'risida»gi PQ-3574-sonli qarori ijrosini ta'minlash maqsadida Qoraqalpog'iston Respublikasi Vazirlar Kengashi

QAROR QILADI:

1. O'zbekiston Respublikasi Prezidentining 2018 yil 28 fevraldagi «Paxta xomashyosi va boshoqli don etishtirishni moliyalashtirish tizimini tubdan takomillashtirish chora-tadbirlari to'g'risida»gi PQ-3574-sonli qarori ijro uchun rahbarlikka olinsin.

2. O'zbekiston Respublikasi Prezidentining yuqoridagi qaroribilan quyidagilar:

a) O'zbekiston Respublikasi Moliya vazirligi, Iqtisodiyot vazirligi, Qishloq xo'jaligi vazirligi, O'zbekiston fermer, dehqon xo'jaliklari va tomorqa egalari kengashi, «O'zpxatasanoat» aktsiyadorlik jamiyati va «O'zdonmahsulot» aktsiyadorlik kompaniyasining:

2018 yil 1 martdan boshlab ishlab chiqaruvchilarning rentabelligi oshishini va yuqori sifatli mahsulotlar etishtirishni rag'batlantirishni ta'minlaydigan navlar va klasslar bo'yicha paxta xomashyosi va boshoqli don xaridi yuzasidan kafolatlangan davlat narxlarini belgilash;

tuproq unumdorligi past va oxirgi 3 yil mobaynida hosildorlik gektariga 15 tsentnergacha bo'lgan erlarda paxta xomashyosiga davlat buyurtmasini joylashtirmaslik to'g'risidagi takliflari ma'qullanganligi;

O'zbekiston Respublikasi Vazirlar Mahkamasiga Qoraqalpog'iston Respublikasi Vazirlar Kengashi, viloyatlar va tumanlar hokimliklarining takliflari asosida ushbu bandga muvofiq bo'shaydigan erlarda qishloq xo'jaligi ekinlarini, eng avvalo, ozuqa va moyli ekinlarni joylashtirish, meva-sabzavotchilik va chorvachilik loyihalarini amalga oshirish to'g'risida ikki hafta muddatda Hukumat qarorini qabul qilishi topshirilganligi;

b) Quyidagilar:

Paxta xomashyosi va boshoqli don uchun uzil-kesil hisob-kitoblar hosil yig'ishtiriladigan yilning oxirigacha to'liq hajmda amalga oshirilishi;

qishloq xo'jaligi mahsulotlari etishtiruvchilarga va avtomobillarga yonilg'i quyish shoxobchalariga to'g'ridan-to'g'ri shartnomalar bo'yicha sotish uchun dizel' yoqilg'isi va EKO dizel' yoqilg'isining Vazirlar Mahkamasi tomonidan belgilanadigan yagona chakana narxleri 2018 yil oxirigacha bo'lgan davrda amal qilishi;

mineral o'g'itlarni sotish O'zbekiston Respublikasi Vazirlar Mahkamasi tomonidan belgilanadigan alohida shartlar hisobga olingan holda birja savdolarida amalga oshirishi;

fermer xo'jaliklari va suv iste'molchilari uyushmalarining nasos agregatlari tomonidan iste'mol qilinadigan elektr energiyasi qiymati O'zbekiston Respublikasi Vazirlar Mahkamasi tomonidan belgilanadigan tartibda Davlat byudjetidan subsidiyalar hisobiga qoplanishi belgilab qo'yilganligi;

v) Paxta xomashyosi va boshoqli don etishtiruvchi fermer xo'jaliklarining xizmat ko'rsatuvchi tashkilotlar oldidagi 2018 yil 1 yanvardagi holatiga ko'ra hosil bo'lgan qarzlarni, shu jumladan, ichki tarmoq qarzdorligi hamda byudjet va davlat maqsadli jamg'armalari oldidagi qarzlarni to'lash muddati hisoblangan penya va jarimalar hisobdan chiqarilgan holda 3 yil muddatga uzaytirilganligi;

O'zbekiston Respublikasi Vazirlar Mahkamasiga paxta xomashyosi va boshoqli don etishtiradigan fermer xo'jaliklarining byudjet, davlat maqsadli jamg'armalari, xizmat ko'rsatuvchi tashkilotlar oldidagi 2018 yil 1 yanvardagi holatiga ko'ra hosil bo'lgan qarzlari, shu jumladan, ichki tarmoq qarzlari bir oy muddatda yalpi xatlovdan o'tkazilishini, shuningdek, uni tartibga solish bo'yicha tegishli chora-tadbirlar ko'rilishini ta'minlash topshirilganligi;

g) O'zbekiston Respublikasi Moliya vazirligi, Iqtisodiyot vazirligi, Qishloq xo'jaligi vazirligining: O'zbekiston Respublikasi Vazirlar Mahkamasi huzuridagi Qishloq xo'jaligi mahsulotlarining davlat xaridi va qishloq xo'jaligini texnika bilan jihozlashni maqsadli moliyalashtirish jamg'armasini Qishloq xo'jaligini davlat tomonidan qo'llab-quvvatlash jamg'armasiga (keyingi o'rinlarda Jamg'arma deb ataladi) aylantirish va uni O'zbekiston Respublikasi Moliya vazirligi tasarrufiga berish;

paxta tolasiga jahon narxlarining keskin pasayishi ehtimoli uchun paxta tolasiga preyskurant va jahon narxleri o'rtasidagi ijobiy tafovut summasi hisobiga Jamg'armaning sug'urta hisob raqamini shakllantirish to'g'risidagi taklifiga rozilik berilganligi;

d) Qishloq xo'jaligi mahsulotlari etishtiruvchilarga mineral o'g'itlar sotuvchi korxonalar uchun 2019 yil 1 yanvargacha bo'lgan muddatda yagona soliq to'lovi stavkasi 2 foiz miqdorda belgilanganligi;

e) Tadbirkorlik sub'ektlari, shu jumladan, qishloq xo'jaligi mahsulotlari etishtiruvchilar tomonidan olib kelinadigan fosforli o'g'itlar, shuningdek, fosforli o'g'itlar ishlab chiqarish uchun olib kelinadigan fosforit xomashyo 2021 yil 1 yanvargacha bo'lgan muddatda bojxona to'lovlaridan ozod

qilinishi, bojxona rasmiylashtiruvchi yig'irlari bundan mustasno ekanligi;

j) O'zbekiston Respublikasi Moliya vazirligiga bir hafta muddatda;

«Agrobank» ATBga davlat xaridlarining nazarda tutilgan hajmlaridan ortiqcha boshoqli don etishtiruvchi fermer xo'jaliklariga kreditlar ajratish uchun yillik 5 foiz stavka bo'yicha depozitga 150 mlrd. so'm miqdorida yillik 10 foizgacha stavka bo'yicha mablag'lar joylashtirilishini;

Qoraqalpog'iston Respublikasi byudjetida va viloyatlarning mahalliy byudjetida past hosilli erlarda paxta xomashyosi etishtiruvchi fermer xo'jaliklarini moliyaviy qo'llab-quvvatlash uchun zararkunandalarga qarshi kurashish hamda favqulodda vaziyatlarda hosilning saqlanishi bo'yicha xarajatlarni qoplashga respublika byudjetida nazarda tutilgan mablag'lar hisobiga 100 mlrd. so'm miqdorida mablag'lar shakllantirilishini ta'minlash topshirilganligi;

z) Qishloq xo'jaligi vazirligiga Suv xo'jaligi vazirligi, Moliya vazirligi, Adliya vazirligi va boshqa manfaatdor vazirliklar va idoralar bilan birgalikda O'zbekiston Respublikasi Vazirlar Mahkamasiga qonun hujjatlariga ushbu qarordan kelib chiqadigan o'zgartirish va qo'shimchalar yuzasidan ikki hafta muddatda takliflar kiritish topshirilganligi ma'lumot uchun qabul qilinsin.

3. Qoraqalpog'iston Respublikasi Qishloq va suv xo'jaligi vazirligi tumanlar hokimliklarining takliflari asosida O'zbekiston Respublikasi Prezidentining yuqoridagi qarorining 1-bandiga muvofiq bo'shaydigan erlarda qishloq xo'jaligi ekinlarini, eng avvalo, ozuqa va moyli ekinlarni joylashtirish, meva-sabzavotchilik va chorvachilik loyihalarini amalga oshirish to'g'risida bir hafta muddatda Vazirlar Kengashiga qaror loyhasini kiritilsin.

4. Qishloq va suv xo'jaligi vazirligi Moliya vazirligi, Adliya vazirligi va boshqa manfaatdor vazirliklar va idoralar bilan birgalikda Qoraqalpog'iston Respublikasi Vazirlar Kengashining tegishli hujjatlariga ushbu qarordan kelib chiqadigan o'zgartirish va qo'shimchalar yuzasidan ikki hafta muddatda takliflar kiritilsin.

5. Mazkur qarorning ijrosini nazorat qilish Qoraqalpog'iston Respublikasi Vazirlar Kengashi Raisining o'rinbosari S.J.Xojametov zimmasiga yuklatilsin.

Qoraqalpog'iston Respublikasi

Vazirlar Kengashining Raisi

Q.Sariev

Ko'rib chiqildi:

Izlash

- 🏠
- 🏢
- ✉️

[Vazirlar Kengashi](#) [Statistik va tahliliy ma'lumotlar](#)
[Vazirliklar va idoralar](#) [Shahar va tuman hokimliklari](#)
[Hujjatlar](#) [Respublika mehmonlariga](#) [Elektron hukumat](#) [Interaktiv davlat xizmatlar](#)